

ხელვაჩაურის მუნიციპალიტეტის სოფელ ახალშენში საბავშვო ბაღის მშენებლობის სამუშაოების
შესყიდვის სატენდერო კომისიის სხდომის
ოქმი #1

ქ. ბათუმი

2020 წლის 02 ივლისი

სატენდერო კომისიის სხდომას ესწრებოდნენ:

.ჯუმბერ ვარდმანიძე - ხელვაჩაურის მუნიციპალიტეტის მერი, კომისიის თავმჯდომარე;
.კახაბერ ფუტყარაძე - ხელვაჩაურის მუნიციპალიტეტის მერის პირველი მოადგილე, კომისიის თავმჯდომარის მოადგილე;
.არჩილ ბარამიძე - ხელვაჩაურის მუნიციპალიტეტის მერის მოადგილე, კომისიის წევრი;
.თეიმურაზ გაწერელია - ხელვაჩაურის მუნიციპალიტეტის მერიის პირველადი სტრუქტურული ერთეულის იურიდიული სამსახურის ხელმძღვანელი, კომისიის წევრი;
.ვახტანგ დიასამიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ინფრასტრუქტურისა და კეთილმოწყობის სამსახურის ხელმძღვანელი, კომისიის წევრი;
.გიორგი ქურიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ზედამხედველობის სამსახურის ხელმძღვანელი, კომისიის წევრი;
.მელანო მამულაძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის, მეორადი სტრუქტურული ერთეულის შესყიდვების განყოფილების უფროსი, კომისიის წევრი;

კომისიის აპარატის წევრები:

.მაია ბოლქვაძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის, მეორადი სტრუქტურული ერთეულის შესყიდვების განყოფილების უფროსი სპეციალისტი;
.გოგიტა გოგიტიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის, მეორადი სტრუქტურული ერთეულის შესყიდვების განყოფილების უფროსი სპეციალისტი;

სატენდერო კომისიის სხდომას არ ესწრებოდნენ კომისიის წევრები მირზა ბახტაძე და ტარიელ ნაკაშიძე.

დღის წესრიგი:

ხელვაჩაურის მუნიციპალიტეტის სოფელ ახალშენში საბავშვო ბაღის მშენებლობის სამუშაოების შესყიდვაზე (CPV კოდი 45200000) ტენდერის ჩატარების შესახებ განცხადებისა და სატენდერო დოკუმენტაციის პროექტის განხილვა-დამტკიცება.

მოისმინეს:

კომისიის აპარატის წევრის მ. ბოლქვაძის ინფორმაცია იმის შესახებ, რომ ხელვაჩაურის მუნიციპალიტეტის მერიის 2020 წლის სახელმწიფო შესყიდვების გეგმის ფარგლებში ელექტრონული ტენდერი CPV კოდი 45200000 გათვალისწინებულია 7 967 949 ლარი. ხოლო ხელვაჩაურის მუნიციპალიტეტის სოფელ ახალშენში საბავშვო ბაღის მშენებლობის სამუშაოების შესყიდვის მიზნით საპროექტო-სახარჯთაღრიცხვო დოკუმენტაციით განსაზღვრული იქნა 2 335 400 ლარი. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების შესაბამისად შესყიდვა უნდა განხორციელდეს ელ. ტენდერის საშუალებით.

კომისიის წევრებმა განიხილეს სისტემაში განსათავსებელი განცხადებისა და სატენდერო დოკუმენტაციის პროექტი, რის შედეგადაც ელ. სისტემაში განსათავსებელი განცხადება და სატენდერო დოკუმენტაცია ჩამოყალიბდა შემდეგი სახით:

ტენდერის გამოცხადების თარიღი: 02 ივლისი 2020 წელი.

შესყიდვის სავარაუდო ღირებულება: 2 335 400 ლარი.

შესყიდვის დანაყოფი 45200000, 45214100.

შესყიდვის რაოდენობა ან მოცულობა: იხ. სატენდერო დოკუმენტაცია.

მიწოდების ვადა: ხელშეკრულების გაფორმებიდან 2021 წლის 01 ოქტომბრის ჩათვლით.

შეთავაზების ფასის კლების ბიჯი: 46 000 ლარი.

სატენდერო დოკუმენტაციით პრეტენდენტის მიერ სახელმწიფო შესყიდვების ერთიან ელექტრონულ სისტემაში უნდა მოხდეს შემდეგი დოკუმენტების ატვირთვა:

- შესასრულებელი სამუშაოების ხარჯთაღრიცხვა დანართი #4-ის შესაბამისად;

- შესასრულებელი სამუშაოების ეტაპების გეგმა-გრაფიკი დანართი N1-ის შესაბამისად;

- ინფორმაცია ანალოგიური სამუშაოების შესრულების გამოცდილების შესახებ;

ა) ტენდერში მონაწილე პრეტენდენტს 2017 წლის 01 ივნისიდან 2020 წლის 01 ივნისის ჩათვლით შესრულებული უნდა ჰქონდეს შენობის მშენებლობის სამუშაოების მიწოდება საერთო ღირებულებით არანაკლებ 2 500 000 (ორი მილიონ ხუთასი ათასი) ლარის ოდენობით; მათ შორის იმავე პერიოდში განხორციელებული უნდა ჰქონდეს საგანმანათლებლო-სააღმწერდლო, საოფისე ან/და საცხოვრებელი დანიშნულების მქონე ერთი მინიმუმ ორ-სართულიანი შენობის მშენებლობის სამუშაოები, არანაკლებ 1 000 000 (ერთი მილიონი) ლარის ღირებულებით (გამოცდილებაში არ ჩაითვლება გზების, ხიდების, გვირაბების და სხვა მსგავსი საინჟინრო-ნაგებობების მშენებლობა). ამასთან აღნიშნული შენობა აუცილებლად უნდა იყოს დასრულებულ მდგომარეობაში, რომელზედაც პრეტენდენტმა დამატებით უნდა წარმოადგინოს დადებითი რეკომენდაცია გაცემული შემსყიდველის მიერ, რომლითაც დადგინდება, რომ პრეტენდენტმა სრულად და ჯეროვნად შეასრულა ნაკისრი ვალდებულებები; ამასთან გამოცდილებაში ჩაითვლება მხოლოდ დასრულებული სამუშაოების, რაზედაც გაფორმებულია საბოლოო მიღება-ჩაბარების აქტები.

ბ) ინფორმაცია წარმოდგენილი უნდა იქნას დანართი N3-ის შესაბამისად, სადაც აუცილებლად უნდა იყოს მითითებული ტენდერის SPA, NAT, DAP, CMR ნომერი (ასეთის არსებობის შემთხვევაში).

გ) სახელმწიფო შესყიდვის საშუალებით გაფორმებულ ხელშეკრულებებზე პრეტენდენტმა უნდა წარმოადგინოს შენობის მშენებლობის სამუშაოების (არ შედის გზების, ხიდების, გვირაბების და სხვა მსგავსი საინჟინრო-ნაგებობების მშენებლობა) შესრულების დამადასტურებელი დოკუმენტების ასლები (ხელშეკრულების ასლ(ებ)ი ხარჯთაღრიცხვ(ებ)ით, სამუშაოს შესრულების მიღება-ჩაბარების აქტ(ებ)ის ასლები, შესრულებული სამუშაოს ფორმა N2. ფორმა N2-ის ნაცვლად შესაძლებელია წარმოდგენილ იქნას სხვა დამადასტურებელი დოკუმენტი (საგადახდო მოთხოვნა ან ანგარიშგაქტურა)).

დ) თუ პრეტენდენტი წარმოადგენს არასახელმწიფო შესყიდვის საშუალებით გაფორმებულ ხელშეკრულებებს ან/და შესრულებული აქვს სამუშაოები როგორც ქვეკონტრაქტორს ასეთ შემთხვევაში შესრულების დამადასტურებელ დოკუმენტებთან ერთად (ხელშეკრულების ასლ(ებ)ი ხარჯთაღრიცხვ(ებ)ით, სამუშაოს შესრულების მიღება-ჩაბარების აქტ(ებ)ის ასლები, შესრულებული სამუშაოს ფორმა N2) დამატებით აუცილებელია წარმოდგენილი იქნას დადასტურებული საგადასახადო ანგარიშგაქტურები.

ე) იმ პრეტენდენტებს, რომლებსაც ზემოაღნიშნული სამუშაოები შესრულებული აქვთ ხელვაჩაურის მუნიციპალიტეტის დაკვეთით, ანალოგიური სამუშაოების შესრულების გამოცდილების შესახებ ინფორმაცია უნდა წარმოადგინონ მხოლოდ დანართი N3-ის სახით, სადაც აუცილებლად უნდა იყოს მითითებული ტენდერის SPA, NAT, DAP, CMR ნომერი (ასეთის არსებობის შემთხვევაში).

ვ) უზოური საწარმოს/ უცხოური საწარმოს ფილიალის/ წარმომადგენლობის მიერ ან სახელმწიფო შესყიდვების ერთიან ელექტრონულ სისტემაში სხვა პრეტენდენტის მიერ წარმოდგენილ უცხო ქვეყანაში შედგენილ გამოცდილების შესახებ დოკუმენტზე ხელმოწერები დამოწმებული უნდა იყოს ნოტარიუსის ან შესაბამისი საჯაროსამართლებრივი უფლებამოსილების მქონე პირის მიერ, ხოლო ამ უკანასკნელის ხელმოწერა ლეგალიზებული ან აპოსტილით დამოწმებული და მას თან უნდა ერთვოდეს ნოტარიულად დამოწმებული ქართული თარგმანი.

ზ) შემსყიდველი უფლებამოსილია ანალოგიური სამუშაოების იდენტიფიცირების მიზნით მოითხოვოს პრეტენდენტისაგან დამატებითი ინფორმაციის სახით სხვა ნებისმიერი დოკუმენტი, რომლის მიწოდებაც კანონმდებლობით არ არის აკრძალული.

- იმ შემთხვევაში თუ პრეტენდენტი არის ამხანაგობა, მაშინ მისმა მონაწილეებმა ტექნიკურ დოკუმენტაციაში მკაფიოდ უნდა განსაზღვრონ (შინაარსობრივად), თუ თითოეული მონაწილე კონკრეტულად რომელ ვალდებულებას შეასრულებს სახელმწიფო შესყიდვის შესახებ ხელშეკრულების ფარგლებში. ინფორმაცია წარმოდგენილი უნდა იყოს სატენდერო დოკუმენტაციის დანართი N5-ის შესაბამისად. ამხანაგობის მონაწილეთა ვალდებულებების ერთობლივი საქმიანობის (ამხანაგობის) ხელშეკრულებაში გამიჯვნა (ასეთის არსებობის შემთხვევაში) არ გულისხმობს, რომ აღნიშნული ინფორმაცია მითითებულია ტექნიკურ დოკუმენტაციაში, რადგან სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ 24-ე მუხლის როგორც მე-3, ასევე მე-5 პუნქტები იმპერატიულია და ამავე მუხლების მიხედვით ერთობლივი საქმიანობის (ამხანაგობის) ხელშეკრულება იტვირთება ამხანაგობის პროფილში, ხოლო ინფორმაცია იმის შესახებ, თუ კონკრეტულად რომელ ვალდებულებას შეასრულებს ამხანაგობის თითოეული მონაწილე სახელმწიფო შესყიდვების შესახებ ხელშეკრულების ფარგლებში მკაფიოდ უნდა განისაზღვროს ტექნიკურ დოკუმენტაციაში. „ტექნიკურ დოკუმენტაციაში“ იგულისხმება სატენდერო წინადადების წარდგენის ეტაპზე სახელმწიფო შესყიდვების ერთიან ელექტრონულ სისტემაში, კერძოდ კი „შეთავაზებების ველში“ ატვირთული ტექნიკური დოკუმენტაცია. შესაბამისად ზემოაღნიშნული

მოთხოვნების დარღვევა, ტექნიკური დოკუმენტაციის დაზუსტების პროცედურების გამოყენების გარეშე, პირდაპირ იწვევს პრეტენდენტის დისკვალიფიკაციას.

- სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ 24-ე მუხლის მე-6 პუნქტის „ა“ ქვეპუნქტის თანახმად სატენდერო კომისია ამხანაგობის მიერ წარმოდგენილი გამოცდილების დამადასტურებელ დოკუმენტებს განიხილავს ამავე პრეტენდენტის მიერ დანართი N5-ში მითითებულ ამხანაგობის თითოეულის მონაწილის მიერ შესასრულებელი ვალდებულებებისადმი დადგენილ მოთხოვნასთან მიმართებით და მხოლოდ ამის გათვალისწინებით მიიღებს შესაბამის გადაწყვეტილებას. ამასთან, დასაშვებია ამხანაგობის მონაწილეთა ფინანსური და მატერიალურ-ტექნიკური შესაძლებლობების დაჯამება, ხოლო არ დაიშვება გამოცდილების შეკრება.

- ამხანაგობის არცერთი წევრი არ უნდა იყოს რეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში – „შავი სია“; წინააღმდეგ შემთხვევაში მოხდება ამხანაგობის დისკვალიფიკაცია წინამდებარე ტენდერიდან დაზუსტების გარეშე.

ფასწარმოქმნის ადეკვატურობის მოთხოვნა:

ა) თუ ელექტრონულ ტენდერში ელექტრონული ვაჭრობის შედეგად ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის დასკვნა (აკრედიტებული პირის მიერ გაცემულ დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი). აღნიშნული დასაბუთების და/ან ექსპერტიზის დასკვნის წარმოდგენილობა გამოიწვევს ტენდერში მონაწილე პრეტენდენტის დისკვალიფიკაციას.

ბ) ფასწარმოქმნის ადეკვატურობის დამადასტურებელი დოკუმენტით ხელშეკრულებით ნაკისრი ვალდებულებების შესრულების შესაძლებლობა უნდა დასტურდებოდეს როგორც პრეტენდენტის მიერ დაფიქსირებული წინადადების ფასთან (ხარჯთაღრიცხვის ჯამურ ღირებულებასთან), ასევე ხარჯთაღრიცხვის ერთეულებთან მიმართებით.

წარმოდგენილ ექსპერტიზის დასკვნას თან უნდა ერთვის ხარჯთაღრიცხვა, რომლის საფუძველზეც მოხდა დასკვნის შედგენა.

გ) ფასწარმოქმნის ადეკვატურობის დამადასტურებელი დოკუმენტი შედგენილი და გაცემული უნდა იყოს საქართველოს მთავრობის 2017 წლის 26 სექტემბრის N439 დადგენილებით დამტკიცებული "სამშენებლო სამუშაოების ხარჯთაღრიცხვის ფასწარმოქმნის ადეკვატურობის დადგენის მეთოდის" მოთხოვნების შესაბამისად.

ხელშეკრულების შესრულების უზრუნველყოფის გარანტია:

1. ტენდერში გამოყენებულ იქნება ხელშეკრულების შესრულების უზრუნველყოფის გარანტია, ხელშეკრულების საერთო ღირებულების 5%-ის ოდენობით, დანართი #6-ის მიხედვით (გარანტიის მოქმედების ვადა არანაკლებ 60 კალენდარული დღით უნდა აღემატებოდეს ხელშეკრულებით გათვალისწინებული სამუშაოების შესრულების ვადას).

2. თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს გამარჯვებულ პრეტენდენტს მოსთხოვოს ხელშეკრულების შესრულების უზრუნველყოფის გარანტია 10%-ის ოდენობით.

3. გარანტიის პირობები: ხელშეკრულების შესრულების უზრუნველყოფის გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

კომისიამ გადაწყვიტა:

1. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების შესაბამისად შესყიდვა უნდა განხორციელდეს ელ. ტენდერის აუქციონის გარეშე საშუალებით.

2. ხელვაჩაურის მუნიციპალიტეტის სოფელ ახალშენში საბავშვო ბაღის მშენებლობის სამუშაოების შესყიდვის მიზნით (კოდი 45200000) განსახორციელებელი აუქციონის გარეშე ელექტრონული ტენდერის შესყიდვის საერთო სავარაუდო ღირებულებად განისაზღვროს 2 355 400 ლარი; აქედან 2020 წლის ბიუჯეტით გათვალისწინებულია - 302 043 ლარი, ხოლო 2021 წელს გასათვალისწინებელი თანხაა - 2 033 357 ლარი.

3. დამტკიცდეს ხელვაჩაურის მუნიციპალიტეტის სოფელ ახალშენში საბავშვო ბაღის მშენებლობის სამუშაოების შესყიდვის სატენდერო დოკუმენტაცია და სატენდერო განცხადების ტექსტი;
4. დაევალოს სატენდერო კომისიის აპარატს განათავსოს სატენდერო დოკუმენტაცია და განცხადება ტენდერის ჩატარების შესახებ სახელმწიფო შესყიდვების ერთიან ელექტრონულ სისტემაში.

კომისიის თავმჯდომარე:

ჯ. ვარდმანიძე

კომისიის თავმჯდომარის მოადგილე:

კ. ფუტყარაძე

კომისიის წევრები:

ა. ბარამიძე

ვ. დიასამიძე

თ. გაწერელია

გ. ქურიძე

მ. მამულაძე

მ. ბოლქვაძე

კომისიის აპარატის წევრები:

გ. გოგიტიძე